

政教述聞

南疆威望允孚。軍民翕服。茲以親喪懇請終制。情詞哀切。出于至誠。惟蘇省屏蔽東南。綰轂江海。地方緊要。事務殷繁。務應移孝作忠。勉維大局。著給假一個月。在署持服。俾遂孝思。並遣員前往致祭。以示優異。所請開缺之處。應毋庸議。此令。全上七月十九日

特任劉鎮華為阜威將軍。此令。全上七月十九日

特任孫傳芳為恪威將軍。此令。全上

特任吳金彪為度威將軍。此令。全上

特任張福來為景威將軍。此令。全上

前海軍總長中將程璧光。智勇兼備。性行淑均。官力海疆。績效昭著。密勿軍政。勳蓋益隆。勤心納忠。咸關至計。嗣以邦家多故。遄赴南陲。躬歷艱危。心存匡復。詎意猝遭慘害。志決身殲。功施未終。干城先隕。感懷壯烈。慟念經年。今昔追維。彌增愴悼。程璧光著追贈海軍上將。特給卹金一萬元。生平事蹟。宣付國史立傳。以慰英靈。此令。全上七月二十日

特任田中玉為閩武將軍。此令。全上

任命湯爾和署教育次長。此令。全上七月二十一日